

Reglament da casa pil consorzi da scola per las scolas primaras e la scoletta dallas vischnauncas da Vuorz ed Andiastr

- Art. 1** En casa da scola duei reger schubradad, uorden, buna disciplina e ruaus.
- Art. 2** Tut ils scolars han da purtar scalfins ellas localitads da scola. En luvratori sa ord motifs da segirtad vegnir tratg en calzers.
- Art. 3** Scadina scolara e scadin scolar han d’haver quitaun ch’il mobiliar da scola vegni buca demolius ni donnegiaus.
Ils scolars han d’haver quitaun da cudischs e material che vegn mess ad els a disposiziun dalla scola.
Mintga donn caschunaus da bugen vid mobillas, indrezs, escha, finiastras ni material da scola etc. sto vegnir indemnisaus dils geniturs ni digl ugau digl affon.
- Art. 4** Ils scolars astgan entrar en scola pér cura ch’ei scalina. Medemamein han els da bandunar la casa da scola scochemai che l’instrucziun ei finida. Duront la pausa setegnan ils scolars si sin la piazza da scola e buca els zulers ni stanzas da scola. Excepziuns sa il scolast ordinar.
- Art. 5** Duront l’instrucziun astga buca vegnir fatg canera sin la piazza da scola ed els zulers. Duront la pausa han ils scolars da suandar las cunzinas dalla survigilanza da pausa. Negin astga bandunar il plaz da scola senza lubientscha.
Specialmein ei scumandau:
➤ trer bottas, tocca da glatsch, glera, crappa etc.
➤ purtar e manipular utensils prigus sco armas, cuntials etc.
➤ dad ir en stizun ni ell’ustria per cumprar il da pausa.
- Art. 6** Urdeins e termagls pil plaz da pausa ein da dustar alla fin dalla pausa el liug destinau.
- Art. 7** Vehichels, sco velos, trotinets etc., astgan buca vegni parcai en casa da scola.
- Art. 8** Maschinas en luvratori astgan vegnir duvradas mo sut survigilanza dil scolast/A.
- Art. 9** Ils scolars han da respectar las ordras dil pedel en casa e silla piazza da scola.
- Art. 10** Artechels da quei reglament da casa san vegnir remplazzai sch’ei survescha agl intent ed interess dalla scola. Quellas midadas san mo vegnir fatgas cun il consentiment digl cussegl scola.
- Art. 11** Las scolastas ed ils scolasts prelegian als scolars quei reglament da casa all’entschatta digl onn da scola.

Aschia concludiu dil cussegl da scola e dalle suprazionzas communalas sco era presentau alla radunanza communal da Vuorz dils 25.04.2003 ed alla radunanza communal d’Andiastr dils 23.05.2003.

Per las vischnauncas politicas:

Il president communal Vuorz:

Il canzlist communal Vuorz:

Il president communal Andiastr:

Il canzlist communal Andiastr:

Per il cussegl da scola Vuorz / Andiastr:

Il / la president/a:

Igl / l'actuar/a:
